

Inatsisartut suleriaasiat § 37 naapertorlugu matumuuna Naalakkersuisunut apeqqutit imaattut saqqummiuppakka:

- 1. Kilisaatini inuttaasut officeriusut minnerpaamik 60 %-ii Kalaallit Nunaanni najugaqartutut inuit nalunaarsorsimaffianni nalunaarsorsimanissaannik piumasaqaataasup, qaffanneqarnissaa Naalakkersuisunit isumaliutigineqarnerluni?**
- 2. 2015 tamaat eqqarsaatigalugu, Royal Greenland-ip kilisaataataani inuttat qanoq amerlatigisut nunatta avataani najugallit atorfeqartinneqarpat?**
- 3. Nunatta avataani najugallit kilisaatini officeritut atorfeqartinneqartut, nunatsinnut akileraartinneqartarpat?**
- 4. Kilisaatini atorfiit nunatta avataaniit inuttaqartinneqartut, ilumut nunatsinneersunit inuttalerneqarsinnaannginnamik? Taamaattoqarsimappat qanoq tamanna uppernsarneqarsinnaava?**
- 5. Inuiaqatigiit Royal Greenland-imik piginnittuunerat eqqarsaatigalugu, nunaqavissut kilisaatini atorluarneqarnissaat anguniarlugu, Naalakkersuisut qanoq suliniuteqarpat?**

(Inatsisartuni ilaasortaq Jens Immanuelson, Siumut)

Tungavilersuut:

Apeqqut 1 eqqarsaatigalugu, Kalaallit aalisariutaanni inuttalersuisarnek pillugu Namminersorlutik Oqartussat nalunaarutaat nr. 13, 17. november 2011-imeersoq malillugu, piumasaqaataavoq, kilisaatini officerit minnerpaamik 60 % -ii pinngitsooratik nunatsinni ukiumi kingullerni marlunni najugaqarsimasuunissaat.

Ukiuni arlaqalersuni inatsisartunut qinersisoqalertillugu, nunaqavissut kilisaatini atorluarneqarnerusariaqarnerannik neriorsuisarnerit eqqarsaatigissagaanni, minnerpaamik 60 % -iunissaanik killiliussa, isumaqarpunga appasippallaartoq.

Qineqqusaarnerit tamaasa ulluinnarnilumi innuttaasunit naammagittaaliutigineqartuarpoq, kilisaatini officerit nunaqavissunik ajornartorsiutaanngitsumik inuttalerneqarsinnaagaluartut, nunatta avataaneersunit amerlavallaanik inangersimaneqartuarnerat. Apeqqutip ukiumi arlaqalersuni utikatuarnera eqqarsaatigalugu, kiisa eqqarsarnarsivoq ilumut atorfiit nunaqavissuniguna inuttalerniarnerat ajornarsimaqinersoq?

Nunatsinni politikikkut maani innuttaasunit qinigaagatta, soorunami soqutigisariaqarparput aningaasat nunatta pisuussutaanik pilersinneqartut, nunatta iluani inuiaqatigiinnut suliffissaqartitsinik kut iluaqutaallutik kaaviaartinneqarnissaat. Ullumikkummi raajat aalisakkallu akigissaarneri eqqarsaatigalugit, takorloorneqarsinnaavoq aningaasarpasuit nunatta avataanut annissorneqarsimassasut. Kilisaatit ilaanni officerit kalaaliinnarnik inuttaraqaralutik sapinnginnertik ingerlalluarsinaanertillu takutittareermassuk, upperaara aamma Royal Greenland-ip kilisaataataani aamma taamaattoqarsinnaasoq. Soorunami.